

元和唯亭志卷二

形勝

設險以衛王公尙之間閭士庶何獨不然本鎮  
洪波巨浸四面旋繞不無宵小出沒倘亦留心  
時政者所當大爲之防與志形勝

沙湖在鎮西南離鎮三里一名金沙湖上通金涇滄

卽金雞湖

下通吳淞江青邱戴墟二浦其滌繞也北通

婁江波濤衝突舟行者時瀕於危明宏治九年工  
部主事姚文灝見風浪頗惡且多寇盜傍湖築夾

元和唯亭志

卷二

形勝

一

隄用治河卷掃法橫截其中爲南北障蔽廣三丈  
袤三百六十丈至十一年功垂成文灝以疾去後  
任郎中傅潮始克成之萬曆二十六年葺墅鈔關  
戶部主事管學畏蠲羨銀一千四百兩有奇修築  
沙湖石隄七十五丈高十丈廣六尺 國朝乾隆  
閒石隄傾圯過半行舟時遇波濤之險五十七年  
巡撫長公麟以漕蠹罰鍰檄調諳習工程河弁徐  
起董天選駐隄監督四月鳩工六月而竣并添築  
副隄以禦風濤衝激道光三年吳中大水湖隄漫



溢浸淫汨沒越九旬隄石頽圯日就崩缺幾十之四五十五年里紳沈巽白巡撫林公則徐勸同里紳士王有慶蠲銀一千兩有奇親自駐隄監督經始於四月至七月工竣修復石隄三百二十五丈增築西首衝開缺口三丈餘

明吳寬

沙湖隄記

郡城東二十里曰沙湖凡太倉崑山嘉定崇明之人所必經者其廣袤各數十里橫絕道上其北多腴田其中多舟楫人以爲患者尤甚旁有盜藪以行劫爲業客舟爲風波所阻集於岸下多不能免人益患之昔人欲築隄以捍水者久矣皆以土石所施無所附麗其功難成遂置之宏治丙辰工部

元和唯亭志

卷二

形勝

二

主事姚君文灝奉勅來督水利始自於巡撫右副都御史朱公瑄謂隄可築公往視之亦曰可築且曰是宜用卷掃法蓋吾治河決時所已試者也謀旣協姚君乃專任其事先時君從工部侍郎徐公賁浚常熟江口獲葦利之占於民者以爲公用及是遂賴其濟一時夫卒盡力材用畢具功垂成而君移疾去矣今郎中傅君潮來代周行田野水利大興他日行至沙湖歎曰是隄之功其可已乎至是巡撫左都御史彭公禮復勸相之而隄竟以完告其濶爲丈三長爲丈三百六十隱然如城堅壯可久而水勢汪汪安流成渠人皆稱便惟古土工之興春秋謹之大抵因民之所利而利之則易違之則難然又有難易焉者孟子曰爲高必因邗陵爲下必因川澤蓋言因其勢者則易也故世之捍水者未有不因於土之勢然非知乎水之性亦終於壞而已今夫沙湖爲隄旣無所因可謂難矣顧其水湍悍特殺而抑之其漩洄演漾因無所滯此其所以竟成也彼梁作淮堰成而卽壞惟障而塞

之不知其性爾水利之不行已久行則有利焉然能去其患則利在其中如是隄然蓋耕者無浸淫之苦則安於田畝行者無覆溺之憂則樂於道路賈者無掠奪之恐則保其貨財利何溥於此是役也前守爲史侯簡今爲曹侯鳳皆經畫其事者若通判陳璋知縣劉珂鄺璠縣丞竇胤主簿喻秉則勞績並著皆可書者於是傅君使來請文刻石予郡人也喜水患之能去且知君之才操與姚君並美無忝於上命也遂爲之記後之人尙謹視之以無墜其功云

### 唐時升

重築沙湖隄記

昔在宏治九年丙辰始築沙湖隄至於今蓋百有餘年矣駭川驚波震撼齧蝕幾十之二日引月長勢將不能自止觀察曹公言於中丞趙公欲重治之會司徒郎管公來治關稅剔弊釐奸商旅咸集歲額之外得金一千四百有奇公曰今歲幸有餘入吾不敢加於常課以困後來者其可留以予民

### 元和唯亭志

#### 卷二

形勝

三

必有所以用之以書告中丞暨觀察二公二公計曰用管公之遺於沙湖其澤可以永久遂令郡縣庀木石之數度畚鍤之役適與金相當乃興事凡爲隄七十五丈高十尺廣六尺五闊月金盡而隄成焉內涵外流狂瀾不興東船西舫如涉康莊民甚樂之余觀太湖從三江東下其泛濫四出者遇洿瀦則復成湖沙湖在郡城之東其南北與二江相吞吐而當四縣走集之地公私期會與百貨之出入毋論晝夜晦暝舳艫常相望一旦南風驅波濤而下如萬馬之騰驤舟楫北岸尺寸不得動北風驟至則漂蕩入湖中檣摧檣折如箭脫弦故奸人依以爲窟穴盲風怪雨之日則鳥聚鼠伏伺候行者而湖之陽皆畝種之田穀芽之春稼成之秋風起浪湧一望汪洋不見蹤跡此昔人之所爲作隄也傳曰無平不陂無往不復假使數十年之後湖隄盡廢波濤橫行道路多驚亦孰知爲誰之過者吾憂當事者之莫以爲意也以今之時而舉百年之廢上不知費下不知勞滄波沆漭之間隱然

如城郭前人之績將墜而復存可謂盛矣若夫千金之積不以自私而用之於民捍患救災垂無疆之休使過之者謳吟歎息想見其人蓋賢者所至必有遺澤沒世而不忘者也後之繼今者將廢而隨舉之幾毀而復成之皆若斯隄之

國朝沈贊籌修沙湖石隄議

侯官林公則徐巡撫江蘇民間利病咨訪甚殷時方以癸巳捐賑餘資挑濬城河先君子欲撥款修整是隄因陳是議林公聽之而費難兼及先君子爰勸王君有慶獨力捐貲遂得修復并建乙未亭於鎮東霖雨橋之北護撫江夏陳公鑿作記

土之有川澤也以蓄洩為功水之有隄防也以捍衛為務二者相須所以時地利奠民居也蘇郡婁門外二十里有沙湖攷郡志一名金沙湖北納陽城湖南呼淞江統稱為至和塘由婁門達崑山七

元和唯亭志卷二 形勝 四

十里以宋至和二年築故名而沙湖石隄之專設始於明宏治九年為工部主事姚文灝所築姚見沙湖風浪險惡且多盜賊爰傍湖築夾隄橫亘其中郡人吳寬為之記畧曰沙湖為崑山太倉之所必經廣袤各數十里北多腴田中通舟楫旁有盜數每客舟為風波所阻集於岸下多不能免人咸患之欲築隄以捍水者久矣率以土石所施無所附麗遂寘之宏治丙辰姚君來督水利相其形勢謂隄可築白於巡撫朱瑄謀協姚乃專任其事功垂成而移疾去郎中傅潮來代行至沙湖歎曰是隄之功豈得已乎巡撫彭禮復勸相之於是隄遂成隄廣三丈袤三百六十丈閱三載而工竣此湖隄之所由昉也嗣是而後年久失修漸即傾圮澣豎鈔關主事管學畏蠲羨銀一千四百兩增修之時明萬曆二十六年至我朝乾隆五十七年壬子中丞長公麟閱其傾圮過半以漕蠹罰鍰修築工六月而竣并於隄外拋砌磚石添設副隄以禦風濤衝激此湖隄築修之原委也自壬子迄今四

十四年矣凡耆老之行過是隄者莫不指而數之曰是役也姚君創之傅君成之管君繼其功長君善其後築隄之歌聞之故老副隄之設親見經營所由數十年居民安堵行者怖於道途賈者保其貨利也道光癸未歲吳中大水湖隄漫溢浸淫汨沒越九旬衝刷既久漸致剝落而沙湖又爲漕運孔道糧艘船高載重石尤風作進發維艱率以木犁駐隄牽挽而渡隄當衝刷之後漸卽搖動如此十有餘年而石之墮落者什二石旣墮落比連之所搖動傾圮卽有附近網師漁父及耕種狡黠之徒或挪運以便已或貨售以射利而石之散失者什二時或東南風大缺口之水激蕩而來打頭之風騰擲而至而不便於挽運行旅矣斷落之所可通舟楫萑蒲澤藪之奸乘聞以擬其後必至邀劫商船或私通鹽筴而不便於商賈矣久久相沿勢必至此夫圖功於功之已去不如弭患於患之未熾也勢有可憑事逸而功倍也今湖隄坍塌之所約計工程不過千餘緡可以修復然欲履畝書捐

元和唯亭志

卷二

形勝

五

恐積歉之後未必樂從且地方公事籌費難董辦尤難沙湖離唯亭三里惟籍隸唯亭者可以經紀其事與本住唯亭祖先邱壠所在歲時祭掃必於是焉棲止尙能規其形勢度其便宜鳩工庀材刻日蕙事因與外甥王有慶商議伊亦唯亭人去歲同爲唯亭賑廠總董者也現值挑濬城河之時尙能籌畫節省撥欸如數卽便估工興作董率之責與王有慶任之如有不敷董事難捐續成之庶幾經費有着董率有人不致以姚公始事之勤長公繼事之蹟日久因循淪爲汨沒徒令後之有志興復者望洋而歎也爰令兒子贊摺查紀載摺撫是議以陳其愚惟執事詳察之時道光十有五年

乙未  
二月

元楊維楨

過沙湖寄顧玉山

五月落殘梅子雨沙湖水高三尺強大風開颿作弓滿白浪觸舟如馬狂唱歌賣魚赤鬚老打鼓蹋

車青苧孃故人相見在  
婁下坐對玉山懷草堂

明高 啟 冒雨暮歸過沙湖

天寒滿湖雨獨櫂東歸急遙望水邊邨蕭條暮烟  
濕家人應候我深暎柴局立

文 彭 沙湖贈歸望之

築得湖邊宅陰陰萬柳斜青天涵碧藻白日麗金  
沙書滿遺安館門題種竹家耕漁成妙隱何必逐  
烟霞

國朝徐 崧 過沙湖口

十月還鄉路洪濤捲朔風漸愁隄盡圯深憶築時  
功水過蕪田瘠年荒草舍空垂綸何處好江上有  
漁翁

元和唯亭志 卷二 形勝

六

沈世華 金沙漁艇

湖光澄碧繞東婁破浪輕颺何處舟網結四圍縈  
岸芷帆懸一葉逐沙鷗歌來未暮聲聲徹燈映高  
邨點點浮疑是武陵迷  
返棹花村遙望隔溪頭

李 汾 金沙夕泛

清光如水水連空良夜輕舟係短篷行到蘆花全  
白處一聲漁唱一燈紅

朱丕成 晚渡沙湖

淼淼沙湖水歸途駕小舟長隄風激浪古墓樹鳴  
秋漁戶燈初出原田稻已收到家無五里倚檻自  
優游

又 重修沙湖隄爲長中丞賦

潛酒金沙水乃與婁江通巨浪駕山向北注舟人  
日日愁南風有明姚公治水利築隄綿亘橫西東  
從此鴻溝界如劃高桅大舶乘長空數百年來就  
頽廢巨石半落淇濤中遠人不知水性惡每立船  
底呼蒼穹中丞閱海適過此推篷不覺心沖沖人  
溺已溺本無別頃刻構石傳鳩工閭閻不擾雞犬  
靜隄成不日誰之功隄高石厚倍牢固險津化作  
安瀾同村農晝眠橫柴艇墟民夜起收魚筒嗚呼  
姚公往澤猶未終至今繼起惟長公  
兩公恩澤在天壤婁江東下流何窮

### 尤興詩

沙湖道中

沙湖風捲雪魚影隨波急漁父下網遲水深竟難  
得

婁江卽至和塘是江之西段也婁江爲東南諸水入

海之尾閭經崑山至太倉劉家河入海在元和境

### 元和唯亭志

#### 卷二

形勝

七

者計四十五里自府城婁門東經上雉濱外跨塘

陸涇壩又東經沙湖隄小唯亭至鎮凡三十里自

鎮西王店橋至駟馬涇橋凡三里自駟馬涇橋至

界浦接新陽縣界凡十二里

### 明袁華

同顧仲瑛泛舟婁江

三月橫塘水漫沙清明風起豆將花憶同對榻頻  
更燭喜共臨流得泛槎盤送白蓮狂客酒刀分紅  
肉故園瓜草堂佳處咫尺許梧竹清陰生晚霞

### 高啓

遷婁江寓館

寓形百年內行止固無端我生甫三九東西宜未  
關去年宅山陲今年徙江干野性崇儉陋經營唯

苟完閒窻俯平疇幽扉臨遠湍豈忘大厦居弗稱  
非所安披榛始來茲霜露溼以寒誰云遠親愛弟  
子相與歡室中有  
名酒歲暮聊盤桓

又 婁江寓舍喜王七隅見過

送君只過孝廉橋不似君來訪我遙路未同歸鴻  
杳杏門方孤掩竹蕭蕭遠愁忽與鐘聲至殘醉微  
兼燭燼銷莫道扁舟難  
重過寒江日日有迴潮

程嘉燧 婁江夜泛

河流向晚靜際岸響蒹葭高樹猶霞氣孤帆已月  
華火明遑辨郭風便屢綠沙天與清秋與歸期莫  
論 賒

國朝周 賓 自婁江抵玉峯

元和唯亭志 卷二 彤勝 八

婁江此去鹿城東十里沙塘在望中斷雁鳥衝雨  
岸雨輕舟人棹一帆風龍洲墓廢迷秋草鄭氏園  
荒賸晚楓薄暮鐘聲何  
處起馬鞍山寺月朦朧

顧有準 婁江春泛

舟如天上坐雲水漾微和柳外出漁艇花間聞榜  
歌海潮何日到春色此時多攜得匏尊酒風帆一  
過 雲

至和塘自婁門達崑山凡七十里內四十五里屬元  
和自古積水無陸途民頗病涉宋至道間知府陳  
省華議築隄患無處求土不果皇祐間發運使許  
某建議築塘朝命王安石相視奏請如許議未之



行也至和閏邛與權爲崑山主簿奮然身任其事  
請郡守呂光祿居簡邑侯錢公紀同心計畫始告  
蒞事焉塘成於至和年因名嘉祐六年知州蔡抗  
行縣按水大修至和塘益加完厚民得立勝以免  
水患大以爲利明萬曆四十二年長洲縣知縣胡  
士容添築石塘自婁門永安橋起至崑山縣界今分  
隸新其築青石外塘六千六百四十五丈一尺築  
黃石內塘八百八十丈三尺修造朱涇憲濟周涇  
新橋楊涇蕭涇陸市駟馬吳涇等橋十座洩水平

橋二十六條又存餘銀三百兩買膏腴常稔園字  
圩田一百五十畝歲收花利積貯專抵修塘之費  
不得移爲別用崇禎十年巡撫都御史張國維同  
巡按御史路振飛重修長洲縣至和石塘四十五  
里前知縣胡士容置義田積租繕塘後竟移爲別  
用曠久不修長隄崩盡無以捍水妨農病涉張國  
維設處經始兵備馮元颺與知府陳淇謚推官署  
縣事劉鳴謙各捐助有差不經佐領吏胥董工專  
屬里民馬負圖營辦僅四閱月畢工

宋邛與權

至和塘記

吳城東圍距崑山縣七十里俗謂之崑山塘北納陽城湖南吐淞江由隄防不立故風波颯突廢民田以豬魚鼈其民病賦入之侵蠹相從以逋徙姦人緣之以邀劫行旅通鹽賈以自利吏莫能禁自唐至今三百餘年欲有營作而弗克也有宋至道二年陳令公守蘇嘗與中貴人按行之邑人朱珪父子相繼論其事為州縣者亦繼經度皆以橫絕巨浸費用數十萬緡中議而沮皇祐中發運使許公建言蘇之田膏腴而地下常苦水患乞置官司以畎澮之請令舒州通判殿中丞王安石先相視焉朝廷從之王君至訊其鄉人盡得其利害度長繩短順其故道施之圖繪疏入請議如許公朝廷未之行也至和初今太守呂公下車問民所疾苦蓋有意於疏導矣明年與權為崑山主簿始陳五利一曰便舟楫二曰闢田疇三曰復租賦四曰止盜賊五曰禁姦商願約古制役民興作令錢君復

元和唯亭志

卷二

形勝

十

言之太守喜其謀之協從於是列而上聞決於監司部相元君實總之粵十月甲午治役先設外防以遏上流立橫埭以限之乃自下流浚而決焉畚鍤所至皆於平陸其始戒也猖風號霆迅雷驟雨乃用牲於神至癸巳夜半雨息迨明体霽以卒其役人皆以為有相之者蓋旬有九日而成深五尺廣六十尺用民力一十五萬六千工費民財若干貫米四千六百八十八石為橋梁五十二蔣榆柳五萬七千八百其二河植菱蒲芙蓉稱是計其入以為修完料民之餘治小虞自嚴村至於鰻鮑囊治新洋江自朱瀝至於清港治山塘自山南至於東浚渚涇六十四浦四十四塘六於是陽城諸湖灑皆道而及江田無洿豬民不病涉矣初治河至唯亭得古牖用柏合抱以為楹蓋古渠况今深數尺設牖者以限松江之潮勢耳耆舊莫能詳之乃知昔無水患由隄防之廢則有之嗚呼為民者因循而至此乎是役也自城東走二十里曰任浦崑山治其東長洲治其西以俗名非便更曰至和識年

號也建亭曰乙未紀歲功也太守嘉其有成謂與  
權實區處於其間其言必詳命爲記嘉祐六年十  
二月立於  
乙未亭

### 沈括 至和塘考

至和塘自崑山縣達於婁門凡七十里自古皆積  
水無陸途民病涉久欲爲長隄抵郡城澤國無處  
求土嘉祐中有獻計就水中以蘧條爲牆栽兩行  
相去三尺去牆六丈又爲一牆亦如此漉水中淤  
泥實蘧條中候乾則以水車畎去兩牆舊水牆間  
六丈皆留半以爲隄脚掘其半爲渠取土以爲隄  
每三四里則爲一橋以通南  
北之水不日隄成至今爲利

### 明文震孟 築婁江石隄記

蘇故澤國也江淮之水由京以歷毘陵皆從蘇以  
注海震澤滙宣歙霅苕之巨浸宣吐於長崑二邑

### 元和唯亭志 卷二 形勝 十一

間而婁江實所由道至和塘最當其衝蕩云自宋  
轉運使喬惟嶽決隄爲涇水患滋起以迄於今當  
事者咸鯁鯁慮焉而苦於任事之難至挿棘樹板  
以殺水勢亦幾無謀矣廣濟胡侯士容自嘉定令  
移劇長洲神明之政首試於奸惡之鋤錄一朝獲  
三十餘輩咸伏厥辜境內肅清民用衽席日延父  
老問所疾苦而知婁江之塘不可緩也日是且病  
涉病溺病飛輓病農農茲土者至累歲不登半菽  
誰司民牧責可委諸旣又相度土宜而知非石隄  
無以障水勢日是全涇陽城諸湖蕩之所震撼也  
是太湖沙湖之所騰躍而澎湃也是新洋吳淞諸  
江之所逆駕也是兩龍漙朱涇蕭涇吳涇陸涇諸  
要害之所汎而旁齧也苟不爲永賴謀僅飾目前  
又豈司牧者之實意經始也里計者四十有五丈  
計者六千七百橋計者二十有六其巨者一十有  
八金錢計者萬五千有奇顧邑民苦貧府庫竭莫  
可調發侯又不能如正統中周夏兩尙書奉璽書  
從事水利復田租徵發屬邑僅按導河官帑之羨

金不滿千悉捐歲俸與贖鍰所入集好義之衆期  
月而成自長至崑長隄如帶屹然如山於是行者  
歌於道鼓柁者歌於湖農歌於野穡人成功更以  
其贏金益盡捐祿俸買田三頃其半以屬耆老爲  
永隄計且將續海虞松陵之役而半以給澤宮之  
貧士使有恒產俾免于寒飢矣乃過余而言曰不  
佞茲役也幸借賢士大夫之寵靈與父老子弟之  
力獲藉手以報績請記記焉非以耀成事也此隄  
一日而不毀卽不佞之所以懷士大夫與父老子  
弟者一日而不忘吁侯之材豈不甚異哉顧其言  
抑何長者乃爾夫侯之始事也國人以爲難而侯  
不阻侯之算長也侯之集事也國人以爲懼而侯  
不怵侯之操潔也今之竣事也國人以爲世世之  
功而侯不喜侯之心苦也故此隄一日而不可毀卽  
士大夫父老子弟之頌侯者一日而不可忘且夫天  
下今方多事矣侯駸駸向用以侯之算侯之操侯  
之苦心其何所不濟婁江之隄亦日始基已哉侯  
拱手曰唯唯敢拜君子之明訓因書以爲記時萬

元和唯亭志

卷二

形勝

三

歷乙卯六月吉日

國朝尤興讓

至和塘觀打魚

魚星落漁翁愁魚風腥漁網投 且往觀乎張百  
金魚彼美人兮其樂何如 前川閒把釣小艇緩  
移篷彷彿季膺與松陵烟雨中 曩曩茶烟花韻  
蕭蕭叢荻洲寒一片水天愁思隔溪漁笛吹殘  
十五雛鬟漾柳陰凌波盪縹緲雲深  
菰蘆佳士風流甚煙水迢迢何處尋

下雉瀆在鎮西經陸涇壩直西爲下雉瀆又西爲上

雉瀆北折爲彭滄通鵠鷄城

陸涇壩在鎮西明嘉靖閒值倭亂有里人陸金捐貲  
築土壩於此據險阨要贊成任公環滅倭之績俗

因呼爲陸金壩云我邑志云婁門外東境至陸市  
浦交新陽縣界舊時設險凡三重官瀆橋營所以  
捍衛婁門爲第一重陸涇橋築土壩建敵營設團  
營於陽城湖濱爲唯亭官瀆二營之策應爲第二  
重最東近陸市浦設小唯亭營若外戶然爲第三  
重其地南有沙湖北有陽城湖最爲險要前明兵  
備任公環防禦倭寇嘗奏大捷卽第三重處也北  
有陽城村團營相城團營爲湖防而設荻區團營  
爲彭渚而設皆缺一不可

元和唯亭志

卷二

形勝

三

陽城湖在鎮北去鎮三里東通巴城湖東北通施澤  
湖東流入新陽縣界西北近相城南出婁江北近  
常熟崑城湖湖廣七十里在鎮北者爲東湖餘爲

中湖西湖載郡邑志

明袁華

陽城湖

海虞之南姑蘇東陽城湖水清浮空瀾漫巨浸二  
百里勢與江漢同朝宗波濤掀簸月慘淡魚龍起  
伏天晦蒙雨昏陰淵火夜燭下有物怪潛幽宮雉  
城巴城水相接以城名湖何不同想當黃池會盟  
後夫差虎視中原雄東征諸夷耀威武湖陰閱戰  
觀成功陵遷谷變天地老按問何地追遺蹤我來  
弔古重太息空亭落日多悲風虎頭結樓傍湖住  
窻開几席羅諸峯雞鳴犬吠境幽閒嘉禾良田青

鬱葱漁郎莫是問津者仙源或與人間通時當端  
陽天氣好故人久別欣相逢玻璃萬頃泛舟入俯  
覽一碧磨青銅蒨絲鱸膾雪縷碎菱葉荷花雲錦  
重恩賜終漸鑑曲客水嬉不數樊川翁酒酣狂吟  
逸興發白鷗驚起菰蒲中相國井涇烽火暗郎官  
水涸旌旗紅此中樂土可避世一舸便逐陶朱公  
更呼列缺鞭乘龍前驅飛廉後豐隆  
盡將湖水化霖雨淨洗甲兵禱歲豐

沈周 晚歸陽城湖漫興

薄暮及東泛眼豁連霄臆淨碧不可唾百里借秋  
拭遠樹水光上出沒似空植疎處方淼然山黛一  
痕色夕陽掩半面雲浪爲風勒便以湖作紙欲寫  
手莫卽見瞥况難詰歷多何暇憶舟子無暇情雙  
櫓奮歸急

釋法泉 渡陽城湖

元和唯亭志 卷二 形勝 古

不知何所事身墮渺茫間岸白流魚沫天青出蜺  
山樹微看漸滅雲薄去如閒無限隨波意輕舟試  
往還

申時行 陽城八景

禪林雨過曙光微鐘磬寥寥度竹扉波面魚衝新  
漲上湖心鳥傍濕雲飛青忝細草迷行徑綠遍垂  
楊拂釣磯最是隔汀疑

慈雲曉霽

千家隔水暮聲稠野色微茫暝色浮歸鳥向風棲  
古樹殘蘆飛雪到荒邱山銜落日孤村晚天接寒  
流九月秋何處漁郎弄

蓀暮斜陽

橫笛一時楊柳滿汀洲  
晚來片雨漲湖濱夕照微明煙滿津欲渡清流有  
歸客卻依綠柳喚漁人數聲棲鳥雙林晚幾樹繁  
花兩岸春笑語滿船回  
浦去微微淡淡水鄰鄰

界溪晚渡

月色波聲水國秋一洲秋水抱灣流冰輪倒映輕  
羅白碎錦寒涵寶鏡浮煙帶螢光依古岸雲連樹  
影渡中洲更深莫訝渾忘寐清景誰能幾度游

登灣夜月

斷橋寂寂少人過一片寒蘆夕照多連雁下行羣  
不亂停舟相看意如何涼風浙浙聲飛浦晴雪暉  
暉影浸波漢使蕭關猶未返虞人切莫更張羅

斷橋落雁

荒煙羃歷雨濛濛佛殿無人草色濃獨鳥高飛天  
漠漠羣鷗亂浴水溶溶望迷遠嶂嵐光暝深鎖平  
林樹影重步遍迴廊轉幽寂老僧飯罷又鳴鐘

鷺峯烟雨

釣絲初捲暮雲收點點漁燈起渡頭夜靜光凝沙  
島月風來影亂荻花秋珠星歷歷波閒動憐火微  
微草際浮望到中流明滅處淡煙疎樹隔汀洲

澱渚漁燈

元和唯亭志

卷二

彭勝

五

柳綠陰稠最憐歸棹羨歌起冉冉香風送客舟

蓮池避暑

文 栢 泛陽城湖

曉行天尚曛月影正朦朧淡入無雲處空流一水  
中片帆迎細雨叢葦響微風欲識漁人樂烟波鷗

鷺同

國朝沈世華

初夏唯亭山望陽城湖

縱日湖光外周圍百里天山平誰據勝水澗已無  
邊落照金波滿新晴碧浪鮮憑空何限意出沒

魚船

李 汾

陽城湖泛月

擊楫泛陽城秋光一片清疎星隨水動新月傍江  
明別有千秋志偏深萬里情何須牛渚夜高咏憶

長庚

欽允恭

陽城湖泛棹

陽城一碧景無涯  
沙淺波平足泛槎  
雲水天邊宜射鴨  
蘆花洲上可為家  
帆來遠浦秋風穩  
山帶寒烟落日斜  
回首岸頭歌舞地  
不堪重問昔年華

顧昀

陽城湖畔晚步

千山日落景蒼然  
谿路空濛欲暝天  
漁趁晚潮橫野艇  
鳥沒深樹帶墟烟  
風疎蘆荻聲偏急  
秋老芙蓉色尚鮮  
誰解高吟如魯望  
江湖隨處有詩篇

沈藻采

陽城湖秋興

陽城百里任西東  
秋水長天一望中  
佑客愁添孤艇雨  
渚鴻聲斷遠山風  
連天雪舞蘆花白  
隔浦星明漁火紅  
半夜鐘聲何處起  
蓮池古院薄烟籠

元和唯亭志

卷二

形勝

六

蓮池湖即陽城湖  
分流水比諸湖為淺  
春秋佳日盪

槳湖濱波濤不興  
水天一色澤國勝景也  
舊時兩

岸夾植荷柳夏日避暑  
湖中翠蓋紅粧與碧波相

掩映蕩舟柳陰下  
領畧清景殊有出塵之致  
明申

文定公時行題句云  
無邊水澤神仙境  
別有乾坤

鸚鵡洲夾岸蓮花紅  
豔滿兩行楊柳綠  
陰稠可以

想見其勝槩矣  
北通蕩上湖南為懸珠村  
東折經

孫墓外港達陽城湖



唯亭山在陽城湖南濱離鎮三里高六丈餘一名夷

亭吳地記云吳王結亭於此以禦東夷故名互見古蹟

一名夸陵故老相傳山為吳王夸昧墓因名互見冢墓

按新府志云唯亭圖經續記本作古館名今長洲

東有僧坊號唯亭寺唯亭之名始此然則山之名

殆亦因此歟又攷舊邑志云山為吳王養魚處近

元和縣志作吳王畜雞城皆不知何據山頂有漢

壽亭侯關帝閣南麓為重元寺寺外有文震孟撰

倪氏貞節碑記山前有陀羅尼幢唐會昌三年建

元和唯亭志 卷二 形勝 七

詳古蹟山本土阜日就坍塌道光十五年里紳沈吳

捐貲修築又開山路自麓達頂皆砌以石

國朝歸 莊 與李文中登唯亭山

絕無木石亦稱山旅泊乘閒試一攀渺渺晴湖不  
可渡晚烟殘照送人還

王岱東 遊唯亭山次朱近陽韻

為訪青山放畫船庵遊錦繡已欣然初嘗葍菜莊  
前味韞韶韶逸聽梵音蘭若傳心契朱雲能作賦神

怡彭鏗喜參禪芒鞋青箬  
尋芳徑好結烟霞物外緣

怡亭縱少妙高臺瞥眼陽城洵壯哉帆捲鵝黃衝  
浪去櫓搖鴨綠逐波來隄邊楊柳絲初放野外蒼

薇花徧開相對盤桓宜  
永日金沙莫喚夕陽催

草鞋山麓暫停船交合紀羣星爛然笑我仍迷三  
徑趣勞君漫信一燈傳高峯遙指東西塔淨寺應  
參南北禪莫道壽亭祠  
闕寂閒遊可避俗塵緣

扶筇直上盼蘇臺縱目煙雲亦快哉潮間狀元流  
水湧涇看司馬繞山來放寬眼界千隄潤陡覺心  
花一霎開晴日竹深留  
客住吟詩風雨幾曾催

朱丕成登唯亭山

做廬在東郭四眺無高山舍北有大阜興來時一  
攀森森滄波逝悠悠白雲間物我兩無與日暮長  
歌還

朱紹博唯亭山一土阜耳因其高而遂名以山焉或曰是夷昧陵其巔有武廟年久將

圯吾師山陽令沈君實作新之歲辛丑積雨土頽不勝駭異感而賦此

元和唯亭志卷二 形勝 六

杖策相將躡翠鬢儀型千載絕躋攀名高揖遜踵  
三讓氣作河山塞兩間到處固宜留廟貌此風並  
足起廉頑為高故有夷  
陵在一簣何傷學步艱

草鞋山在唯亭山之西枕陽城湖濱形如草屨因名

國朝彭紹益初夏陪王丈山喬沈松齋朱椒堂登草鞋山望陽城湖次椒堂韻

嬉遊幾日開春臺偶上平林亦快哉叢樹綠陰環  
水映遠山爽氣撲衣來逸情雲上歌聲過快論風  
生笑口開坐久如僧忘  
卻起歸筇未許夕陽催

龍墩山在沙湖西南本土阜龍見於此因名

瓊姬墩在北斜塘相傳為吳王夫差女墓邑志辨其

非互見  
冢墓